

ქ. თბილისი

25 ივნისი 2013 წელი

ერთის მხრივ, შპს „ანაკლია“ (შემდგომში - „შემსყიდველი“) წარმოდგენილი დირექტორის მიხეილ ჭავჭავაძის სახით და მეორეს მხრივ, შპს „კომპანია ბლექ სი გრუპი“ (შემდგომში - მიმწოდებელი) წარმოდგენილი დირექტორის ამირან მამუჭაძის სახით, საქართველოს მთავრობის 2013 წლის 4 აპრილის №310 განკარგულების საფუძველზე ვდება წინამდებარე ხელშეკრულებას გამარტივებული შესყიდვის საშუალებით (შემდგომში - ხელშეკრულება) შემდეგზე:

1. ხელშეკრულების საგანი

1.1. ხელშეკრულების საგანია საქონლის შესყიდვა (შემდგომში - „საქონელი“) ხელშეკრულების დანართის შესაბამისად.

2. ხელშეკრულების ღირებულება

2.1. ხელშეკრულების ჯამური ღირებულება შეადგენს 6,460.80 (ექვსი ათას ოთხას სამოცი, 80 თეთრი) ლარს, საქართველოს კანონმდებლობით გათვალისწინებული გადასახადების, მათ შორის დღგ-ს ჩათვლით.

2.2. საქონლის დასახელება, ერთეულის ფასები მოცემულია წინამდებარე ხელშეკრულების დანართ #1-ში და წარმოადგენს ხელშეკრულების განუყოფელ ნაწილს.

3. ანგარიშსწორების ფორმა და ვადები

3.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

3.2. მიმწოდებელთან ანგარიშსწორება იწარმოებს საქონლის მიწოდების დღეს, საქონლის ღირებულების წინასწარი გადახდით, მიმწოდებლის მიერ წარმოდგენილი სასაქონლო ზედნადების, მიღება-ჩაბარების აქტის და, საგადასახადო ანგარიშფაქტურის, საფუძველზე.

4. მიღება-ჩაბარების წესი

4.1. მიღება-ჩაბარება დასტურდება მხარეთა მიერ ხელმოწერილი მიღება-ჩაბარების აქტით.

4.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს შპს „ანაკლიის“ დირექტორი - მიხეილ ჭავჭავაძე.

4.3. მხარეები თანხმდებიან, რომ შემსყიდველის მხრიდან მომსახურების მიღება-ჩაბარება განხორციელდება, მხოლოდ მას შემდგომ, რაც მიმწოდებლის მიერ გაწეული მომსახურება დააკმაყოფილებს წინამდებარე ხელშეკრულებით გათვალისწინებულ მოთხოვნებს.

4.4. შემსყიდველს უფლება აქვს არ მიიღოს გაწეული მომსახურება, თუ იგი არ აკმაყოფილებს მხარეთა წინასწარ შეთანხმებულ ხარისხსა და მოთხოვნებს.

5. საქონლის მიწოდების ადგილი და ვადა

5.1. საქონლის მიწოდების ადგილია: ზუდგივის რაიონი, სოფ. განმუხური.

5.2. საქონლის მიწოდება განხორციელდება არაუგვიანეს 2013 წლის 5 ივლისისა.

6. მხარეთა უფლება-მოვალეობანი

6.1. „შემსყიდველი ვალდებული“

6.1.2. დროულად განახორციელოს ანგარიშსწორება მიმწოდებელთან ხელშეკრულების მე-3 მუხლის შესაბამისად;

- 6.1.3. კეთილსინდისიერად და ჯეროვნად შეასრულოს ხელშეკრულებით ნაკისრი ვალდებულებები;
6.1.4. ხელი შეუწყოს მიმწოდებელს ამ ხელშეკრულებით მინიჭებული უფლებამოსილების სრულ რეალიზაციაში.

6.2. „მიმწოდებელი ვალდებულია“

- 6.2.1. უზრუნველყოს ხელშეკრულებით გათვალისწინებული საქონლის მიწოდება შემსყიდველისათვის შეუფერხებლად და ხელშეკრულებით დადგენილ ვადებში;
6.2.2. მიაწოდოს საქონელი შემსყიდველს უფლებრივად და ნივთობრივად უნაკლო მდგომარეობაში;
6.2.3. კეთილსინდისიერად და ჯეროვნად შეასრულოს ხელშეკრულებით ნაკისრი ვალდებულებები.

6.3. „შემსყიდველი“ და „მიმწოდებელი“

- 6.3.1. ხელშეკრულების თითოეულ მხარეს უფლება აქვს მოსთხოვოს მეორე მხარეს წინამდებარე ხელშეკრულებიდან და მოქმედი კანონმდებლობიდან გამომდინარე ვალდებულებათა კეთილსინდისიერი და ჯეროვანი შესრულება;
6.3.2. თითოეული მხარე პასუხს აგებს მეორე მხარისათვის ვალდებულებების შეუსრულებლობით ან არაჯეროვანი შესრულებით მიყენებული ზიანისათვის, საქართველოში მოქმედი კანონმდებლობის შესაბამისად.
6.4. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.
6.5. მიმწოდებელი პასუხისმგებელია მიწოდებული საქონლის ხარისხზე.

7. ხელშეკრულებაში ცვლილების შეტანა და ხელშეკრულების შეწყვეტა

- 7.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
7.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
7.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
7.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
7.5. მხარე ვალდებულია 7.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
7.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

8. დავები და მათი გადაწყვეტის წესი

- 8.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

9. ხელშეკრულებით ნაკისრი ვალდებულებების შესრულების ინსპექტირება

- 9.1. ხელშეკრულებით ნაკისრი ვალდებულებების შესრულების ინსპექტირებას ახორციელებს შპს „ანაკლის“ შესყიდვების კოორდინატორი შალვა ქაჭაია.
9.2. ინსპექტირება გულისხმობს მიმწოდებლის მიერ ხელშეკრულების პირობების შესრულების კონტროლს.
9.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

10. მხარეთა პასუხისმგებლობა

10.1. მხარეები პასუხს აგებენ ერთმანეთის წინაშე ვალდებულების შეუსრულებლობისა და არაჯეროვანი შესრულებისათვის.

10.2. ხელშეკრულებით გათვალისწინებული ნაკისრი ვალდებულების ვადების გადაცილებისათვის დამრღვევ მხარეს ეკისრება საურავი, ხელშეკრულების შესასრულებელი ვალდებულების ღირებულების 0,1%-ის ოდენობით ყოველ ვადაგაადცილებულ დღეზე.

10.3. საურავის გადახდა არ ათავისუფლებს მხარეს ხელშეკრულებით ნაკისრი ვალდებულების შესრულებისაგან.

10.4. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11. სხვა პირობები

11.1. ყველა იმ საკითხის რეგულირების მიზნით, რომელიც არ არის მოწესრიგებული წინამდებარე ხელშეკრულებით, მხარეები სარგებლობენ საქართველოში მოქმედი კანონმდებლობის შესაბამისად.

11.2. ხელშეკრულება ძალაში შედის 2013 წლის 25 ივნისს და მოქმედებს 2013 წლის 30 ივლისამდე ჩათვლით.

11.3. წინამდებარე ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად. ხელშეკრულების ერთი ეგზემპლარი გადაეცემა „მიმწოდებელს“, ხოლო მეორე ეგზემპლარი „შემსყიდველს“

12. მხარეთა ხელმოწერა და რეკვიზიტები

„შემსყიდველი“

შპს „ანაკლია“

მის: ქ. თბილისი, ჭანტურიას ქ. №12

ს/კ 404396293


ბანკი: სს „საქართველოს ბანკი“

ბანკის კოდი: BAGAGE22

ა/ა GE 58 BG 000 000 0 318 986 400

დირექტორი

მიხეილ ჭავჭავაძე



„მიმწოდებელი“

შპს „კომპანია ბლექ სი გრუპი“

მის: ქ. თბილისი, ნიკოლაძის ქ. №6

ს/კ 204477734

ბანკი: სს „თიბისი ბანკი“

ბანკის კოდი:

ა/ა GE61TB11 00000 107 467 338

დირექტორი

ამირან მამუჭაძე




დანართი № 1

№	CPV	დასახელება	რაოდენობა	ერთეულის ფასი დღგ-ის ჩათვლით	თანხა (ლარი) დღგ-ს ჩათვლით
1	24962000	SANIFIX SIVI ASIT (SIVI PH DUSURUCU)30- თხევადი მუჟავა, წყლის გამწმენდი აუზისთვის	490 კგ	3,90	1,911.00
2	24962000	SANIFIX SIVI KLOR (STABILIZATORSUZ)30 ქლორი, თხევადი, ქიმიური ნარტი აუზისთვის	525 კგ	4,20	2,205.00
3	24962000	SANIFIX CA HYPO CHLORIDE 40 ჰიპოქლორის სტაბილიზატორი, ქიმიური ნარტი აუზისთვის	120 კგ	16.04	1,924.80
4	24962000	SANIFIX PAC 9 (COKTURUCU)20 ქიმიური ნარტი აუზისთვის	100 კგ	4.20	420.00
ჯამი: 6,460.80 (ექვსი ათას ოთხას სამოცი, 80 თეთრი) ლარს დღგ-ს ჩათვლით					

შემსყიდველი:

შპს "ანაკლია"

დირექტორი
მიხეილ ჭავჭავაძე



მიმწოდებელი:

შპს "კომპანია ბლექ სი გროუპი"

დირექტორი
ამირან მამუჭაძე

